

佛说善生经 讲录 科判

东晋罽宾三藏 瞿昙僧伽提婆 译 中阿含经卷三十三 太虚大师 讲

释道净 整理 20240729 2 稿 微信 qq 973451196 校对 禁止商用篡改 法律责任必究

表 0: (1 表) 总表

		科判		经文				
悬论分四		一就经题以略解名义		佛说善生经				
		二就善生以寄明法要						
		三明此经说义						
		四明此经译史		东晋罽宾三藏 瞿昙僧伽提婆 译				
释经分三	甲一、证信缘起分二（表1）		乙一、证信序					
			乙二、缘起序分五		丙一、述父嘱			
					丙二、正行礼			
					丙三、述佛见			
					丙四、佛垂问			
					丙五、答佛问			
	甲二、应机正说分三	乙一、因机赞善（表2）						
		乙二、泛说诸法分五	丙一、四业秽（表2）					
			丙二、四罪福分二（表2）		丁一、四事罪			
					丁二、四事福			
			丙三、六非道分二	丁一、长行分二	戊一、略标（表2）			
					戊二、广释分六		己一、释戏求过（表2）	
							己二、释非时行过（表2）	
							己三、释饮酒放逸过（表2）	
							己四、释近恶友过（表3）	
							己五、释喜妓乐过（表3）	
							己六、释懒堕过（表3）	
			丁二、重颂（表3）					
			丙四、四似亲分二	丁一、总标（表3）				
				丁二、别释分四		戊一、释知事非亲（表3）		
						戊二、释面前爱言（表3）		
						戊三、释言语非亲（表4）		
						戊四、释恶趣伴（表4）		
			丙五、四善亲分二（表4）	丁一、总标				
				丁二、别释分四		戊一、释同苦乐		
						戊二、释愍念		
		戊三、释求利						
	戊四、释饶益							
	乙三、正说六方分二	丁一、总标（表5）						
		丙一、长行分三	丁二、别释分六		戊一、东方父子（表5）			
					戊二、南方师弟（表5）			
					戊三、西方夫妇（表5）			
					戊四、北方主仆（表6）			
					戊五、下方亲族（表6）			
					戊六、上方施僧（表6）			
	丁三、明四摄（表6）							
	丙二、重颂（表6）							
	甲三、如说奉行（表6）							

表 1: (6 表)

科判		经文	
悬论 分四	一就经题以略解名义	佛说善生经	
	二就善生以寄明法要		
	三明此经说义		
	四明此经译史	东晋罽宾三藏 瞿昙僧伽提婆 译	
释经分三	甲一、证信缘起分二	乙一、证信序	如是我闻：一时佛游王舍城，在饶虾蟆林。
		丙一、述父嘱	尔时，善生居士子，父临终时，因六方故，遗勅其子，善教善诃曰： 「善生！我命终后，汝当叉手向六方礼： 东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我」。 善生居士子，闻父教已，白父言曰： 「唯！当如尊勅」。
		丙二、正行礼	于是善生居士子，父命终后，平旦沐浴，着新葛摩衣，手执生拘舍叶，往至水边，叉手向六方礼： 「东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我」。
		丙三、述佛见	彼时世尊，过夜平旦，着衣持钵，入王舍城而行乞食。 世尊入王舍城乞食时，遥见善生居士子，平旦沐浴，着新葛摩衣，手执生拘舍叶，往至水边，叉手向六方礼： 「东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我」。
		丙四、佛垂问	世尊见已，往至善生居士子所问曰： 「居士子！受何沙门、梵志教，教汝恭敬供养礼事？」 平旦沐浴，着新葛摩衣，手执生拘舍叶，往至水边，叉手向六方礼： 东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我耶」？
		丙五、答佛问	善生居士子答曰： 「世尊！我不受余沙门、梵志教也。 世尊！我父临命终时，因六方故，遗勅于我，善教善诃曰： 「善生！我命终后，汝当叉手向六方礼： 东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我」。 世尊！我受父教恭敬供养礼事故，平旦沐浴，着新葛摩衣，手执生拘舍叶，往至水边，叉手向六方礼： 东方若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我。 如是南方、西方、北方、下方、上方，若有众生者，我尽恭敬供养礼事彼，我尽恭敬供养礼事彼已，彼亦当恭敬供养礼事我」。

表 2: (6 表)

释经分三	甲二、应机正说分三	乙一、因机赞善			世尊闻已，告曰： 「居士子，我说有六方，不说无也。 居士子！若有人善别六方，离四方恶，不善业垢，彼于现法可敬可重，身坏命终，必至善处，上生天中。		
		丙一、四业秽			居士子！众生有四种业，四种秽。 云何为四？ 居士子！杀生者，是众生业种、秽种；不与取、邪淫、妄言者，是众生业种、秽种」。于是世尊说此颂曰：「杀生不与取，邪淫犯他妻，所言不真实，慧者不称誉」。		
			丙二、四罪福分二	丁一、四事罪	「居士子，人因四事故，便得多罪。 云何为四？行欲、行恚、行怖、行痴」。于是世尊说此颂曰：「欲恚怖及痴，行恶非法行，彼必灭名称，如月向尽没」。		
				丁二、四事福	「居士子！人因四事故，便得多福。 云何为四？不行欲，不行恚，不行怖，不行痴」。于是世尊说此颂曰： 「断欲无恚怖，无痴行法行，彼名称普闻，如月渐盛满」。		
		乙二、泛说诸法分五	丙三、六非道分二	丁一、长行分二	戊一、略标	「居士子！求财物者，当知有六非道。 云何为六？ 一曰种种戏求财物者为非道； 二曰非时行求财物者为非道； 三曰饮酒放逸求财物者为非道； 四曰亲近恶知识求财物者为非道； 五曰常喜妓乐求财物者为非道； 六曰懒惰求财物者为非道」。	
					戊二、广释分六	己一、释戏求过	「居士子！若人种种戏者，当知有六灾患。 云何为六？ 一者负则生怨；二者失则生耻； 三者负则眠不安；四者令怨家怀喜； 五者使宗亲怀忧；六者在众所说，人不信用。 居士子！ 人戏博者不经营作事，作事不营，则功业不成，未得财物，则不能得，本有财物，便转消耗」。
						己二、释非时行过	「居士子！人非时行者，当知有六灾患。 云何为六？ 一者不自护；二者不护财物； 三者不护妻子；四者为人所疑； 五者多生苦患；六者为人所谤。 居士子！人非时行者，不经营作事，作事不营，则功业不成，未得财物，则不能得，本有财物，便转消耗」。
						己三、释饮酒放逸过	「居士子！若人饮酒放逸者，当知有六灾患。 云何为六？ 一者现财物失；二者多有疾病； 三者增多斗争；四者隐藏发露； 五者不称不护；六者灭慧生痴。 居士子！人饮酒放逸者，不经营作事，作事不营，则功业不成，未得财物，则不能得，本有财物，便转消耗」。

表 3: (6 表)

释经分三	甲二、应机正说分三	乙二、泛说诸法分五	丙三、六非道分二	丁一、长行分二	戊二、广释分六	己四、释近恶友过	「居士子！若人亲近恶知识者，当知有六灾患。云何为六？ 一者亲近贼；二者亲近欺诳；三者亲近狂醉； 四者亲近放恣；五者逐会嬉戏； 六者以此为亲友，以此为伴侣。 居士子！若人亲近恶知识者，不经营作事，作事不营，则功业不成，未得财物，则不能得，本有财物，便转消耗」。
						己五、释喜妓乐过	「居士子！若人喜妓乐者，当知有六灾患。云何为六？ 一者喜闻歌；二者喜见舞；三者喜往作乐； 四者喜见弄铃；五者喜拍两手；六者喜大聚会。 居士子！若人喜妓乐者，不经营作事，作事不营，则功业不成，未得财物，则不能得，本有财物，便转消耗」。
						己六、释懒堕过	「居士子！若有懒惰者，当知有六灾患。云何为六？ 一者大早不作业，二者大晚不作业，三者大寒不作业， 四者大热不作业，五者大饱不作业，六者大饥不作业。 居士子！ 若人懒惰者，不经营作事，作事不营，则功业不成，未得财物，则不能得，本有财物，便转消耗」。
				丁二、重颂		于是世尊说此颂曰： 「种种戏逐色，嗜酒喜作乐，亲近恶知识，懒惰不作业。 放恣不自护，此处败坏人！ 行来不防护，邪淫犯他妻，心中常结怨，求愿无有利。 饮酒念女色，此处败坏人！ 重作不善行，狠戾不受教，骂沙门梵志，颠倒有邪见， 凶暴行黑业，此处败坏人！ 自乏无财物，饮酒失衣被，负债如涌泉，彼必坏门族！ 数往至酒炉，亲近恶朋友，应得财不得，是伴党为乐。 多有恶朋友，常随不善伴，今世及后世，二俱得败坏！ 人习恶转减，习善转兴盛，习胜者转增，是故当习胜。 习升则得升，常逮智慧升，转护清净戒，及与微妙止。 昼则喜睡卧，夜则好游行，放逸常饮酒，居家安得成？ 大寒及大热，谓有懒惰人，至竟不成业，终不获财利。 若寒及大热，不计犹如草，若人作是业，彼终不失乐」。	
				丁一、总标		「居士子！有四不亲而似亲。云何为四？ 一者知事非亲似如亲：二者面前爱言非亲似如亲： 三者言语非亲似如亲；四者恶趣伴非亲似如亲」。	
				丙四、四似亲分二	丁二、别释分四	戊一、释知事非亲	「居士子！因四事故，知事非亲似如亲。云何为四？ 一者以知事夺财；二者以少取多； 三者或以恐怖；四者或为利狎习」。 于是世尊说此颂曰： 「人以知为事，言语至柔软，怖为利狎习，知非亲似亲，常当远离彼，如道有恐怖」。
			戊二、释面前爱言			「居士子，因四事故，面前爱言非亲似如亲。云何为四？一者制妙事：二者教作恶； 三者面前称誉；四者背说其恶」。 于是世尊说此颂曰： 「若制妙善法，教作恶不善，对面前称誉，背后说其恶。 若知妙及恶，亦复觉二说，是亲不可亲，知彼人如是，常当远离彼，如道有恐怖」。	

表 4：（6 表）

释经分三	甲二、应机正说分三	乙二、泛说诸法分五	丙四、四似亲分二	丁二、别释分四	戊三、释言语非亲	<p>「居士子！因四事故，言语非亲似如亲。云何为四？一者认过去事；二者必辨未来事；三者虚不真说；四者现事必灭，我当作不作认说」。这是分别第三非亲的四种言态。于是世尊说此颂曰：</p> <p>「认过及将来，虚论现灭事，当作不作说，知非亲如亲，常当远离彼，如道有恐怖」。</p>
					戊四、释恶趣伴	<p>「居士子！因四事故，恶趣伴非亲似如亲。云何为四？一者教种种戏；二者教非时行；三者教令饮酒；四者教亲近恶知识」。于是世尊说此颂曰：</p> <p>「教若干种戏，饮酒犯他妻，习下不习胜，彼灭如月尽，常当远离彼，如道有恐怖」。</p>
			丙五、四善亲分二	丁一、总标		<p>「居士子！善亲当知有四种。云何为四？一者同苦乐，当知是善亲；二者愍念，当知是善亲；三者求利，当知是善亲；四者饶益，当知是善亲」。于是世尊说此颂曰：</p> <p>「知财尽与物，放逸教愍念，知善亲饶益，慧者当狎习」。</p>
				丁二、别释分四	戊一、释同苦乐	<p>「居士子！因四事故，同苦乐，当知是善亲。云何为四？一者为彼舍己；二者为彼舍财；三者为彼舍妻子；四者所说堪忍」。于是世尊说此颂曰：</p> <p>「舍欲财妻子，所说能堪忍，知亲同苦乐，慧者当狎习」。</p>
					戊二、释愍念	<p>「居士子！因四事故，当知愍念是善亲。云何为四？一者教妙法；二者制恶法；三者面称说；四者却怨家」。于是世尊说此颂曰：</p> <p>「教妙善制恶，面称却怨家，知善亲愍念，慧者当狎习」。</p>
					戊三、释求利	<p>「居士子！因四事故，求利当知是善亲。云何为四？一者密事发露；二者密不覆藏；三者得利为喜；四者不得利不忧」。于是世尊说此颂曰：</p> <p>「密事露不藏，利喜无不忧，知善亲求利，慧者当狎习」。</p>
					戊四、释饶益	<p>「居士子！因四事故，饶益当知是善亲。云何为四？一者知财物尽；二者知财物尽已，便给与物；三者见放逸教诃；四者常以愍念」。</p>

表 5: (6 表)

释经分三	甲二、应机正说分三	乙三、正说六方分二	丙一、长行分三	丁一、总标		「居士子！圣法律中有六方：东方、南方、西方、北方、下方、上方」。
				丁二、别释分六	戊一、东方父子	<p>「居士子！如东方者，如是子观父母，子当以五事奉敬供养父母。云何为五？一者增益财物；二者备办众事；三者所欲则奉；四者自恣不违；五者所有私物，尽以奉上，子以此五事奉敬父母。父母亦以五事善念其子。云何为五？一者爱念儿子；二者供给无乏；三者命不负债；四者婚娶称可；五者父母可意，所有财物，尽付其子，父母以此五事善念其子。」</p> <p>居士子！如是东方，二俱分别。 居士子！圣法律中东方者，谓子、父母也。 居士子！若人慈孝父母者，必有增益，则无衰耗。」</p>
					戊二、南方师弟	<p>「居士子！如南方者，如是弟子观师，弟子当以五事恭敬供养于师。云何为五？一者善恭顺；二者善承事，三者速起；四者所作业善；五者能奉敬师，弟子以此五事恭敬供养于师。师亦以五事善念弟子。云何为五？一者教技术；二者速教，三者尽教所知；四者安处善方；五者付嘱善知识。师以此五事善念弟子。」</p> <p>居士子！如是南方，二俱分别。 居士子！圣法律中南方者，谓弟子、师也。 居士子！若人慈顺于师者，必有增益，则无衰耗。」</p>
					戊三、西方夫妇	<p>「居士子！如西方者，如是夫观妻子。夫当以五事爱敬供给妻子。云何为五？一者怜念妻子；二者不轻慢；三者为作璎珞严具；四者于家中得自在；五者念妻亲亲，夫以此五事爱敬供给妻子。妻子当以十三事敬其夫。云何十三？一者重爱敬夫；二者重供养夫；三者善念其夫；四者摄持作业；五者善摄眷属；六者前以瞻侍；七者后以爱行；八者言以诚实；九者不禁制门；十者见来赞善；十一者敷设床待；十二者施設净美丰饶饮食；十三者供养沙门梵志。妻子以此十三事善敬顺夫。」</p> <p>居士子！如是西方，二俱分别。 居士子！圣法律中西方者，谓夫、妻子也。 居士子！若人慈愍妻子者，必有增益，则无衰耗。」</p>

表 6: (6 表)

释经分三	甲二、应机正说分三	乙三、正说六方分二	丙一、长行分三	戊四、北方主仆	「居士子！如北方者，如是是大家观奴婢使人，大家当以五事愍念给恤奴婢、使人。云何为五？ 一者随其力而作业；二者随时食之；三者随时饮之；四者及日休息；五者病给汤药。大家以此五事愍念给恤奴婢、使人。 奴婢、使人当以九事善奉大家。云何为九？ 一者随时作业；二者专心作业；三者一切作业；四者前以瞻侍；五者后以爱行；六者言以诚实；七者急时不远离； 八者行他方时则便赞叹；九者称大家庶几。 奴婢、使人以此九事奉大家。 居士子！如是北方，二俱分别。 居士子！圣法律中北方者，谓大家、奴婢、使人也。 居士子！若人慈愍奴婢、使人者，必有增益，则无衰耗」。
				戊五、下方亲族	「居士子！如下方者，如是亲友观亲友臣，当以五事爱敬供给亲友臣。云何为五？一者爱敬；二者不轻慢；三者不欺诳；四者施与珍宝；五者极念亲友臣。亲友以此五事爱敬供给亲友臣。 亲友臣亦以五事善念亲友，云何为五？ 一者知财物尽；二者知财物尽已，供给财物；三者见放逸教诃；四者爱念；五者急时可依归。亲友臣以此五事善念亲友。 居士子！如是下方，二俱分别。 居士子！圣法律中下方者，谓亲友、亲友臣也。 居士子！若人慈愍亲友臣者，必有增益，则无衰耗」。
				戊六、上方施僧	「居士子！如上方者，如是施主观沙门、梵志，施主当以五事尊敬供养沙门、梵志。 云何为五？一者不禁制门；二者见来赞善；三者敷设床待；四者施設净美丰饶饮食；五者拥护如法沙门、梵志。 施主以此五事尊敬供养沙门、梵志。 沙门、梵志亦以五事善念施主。云何为五？ 一者教信、行信、念信；二者教禁戒；三者教博闻；四者教布施；五者教慧、行慧、立慧，沙门、梵志以此五事善念施主。 居士子！如是上方，二俱分别。 居士子！圣法律中上方者，谓施主、沙门、梵志也。 居士子！若人尊奉沙门、梵志者，必有增益，无有衰耗」。
				丁三、明四摄	
			丙二、重颂		于是世尊说此颂曰： 「惠施及爱言，常为利他行，众生等同利，名称普远至。 此则摄持世，犹如御车人。 若无摄持者，母不因其子，得供养恭敬，父因子亦然。 若有此法摄，故得大福佑。 照远于日光，速利翻捷疾，不粗说聪明，如是得名称。 定护无贡高，速利翻捷疾，成就信尸赖，如是得名称。 常起不懒惰，喜施人饮食，将去调御正，如是得名称。 初当学技术，于后求财物；后求财物已，分别作六分：一分作饮食；一分作田业；一分举藏置，急时赴所须，料作商人给；一分出利息；第五为取妇；第六作屋宅。 家若具六事，不增快得乐，彼必饶钱财，如海中水流。 彼如是求财，犹如蜂采华，长夜求钱财，自当受快乐。 出财莫令远，亦勿令普漫，不可以财与，凶暴及豪强。 东方为父母，南方为师尊，西方为妻子，北方奴婢使，下方亲友臣，上沙门梵志，愿礼此诸方，二俱得大称。 礼此诸方已，施主得生天」。
			甲三、如说奉行		佛说如是，善生居士子，闻佛所说，欢喜奉行！